

# Plan di Maneho di Direktiva

**M21**  
*E Diferensia*

---



# Introdukshon

Movementu 21 (M21) ta un organisashon nobo establese 1 òktober 2021 ku e intenshon pa trese un biento fresku den polítika, gobernashon i e persepshon polítiko. Si nos sigui hasi e mesun kosnan nos lo sigui haña e mesun resultadonan, esaki ta e lema ku ta guia M21 pa ta diferente.

Komo organisashon tambe mester tin un diferensia den e manera di hasi kosnan. Un di e rekisitonan ta un plan di polítika di Direktiva aprobá pa kongreso ku mester ta e guia di Direktiva di M21. Den e plan aki ta pone e metanan pa Direktiva traha riba dje i engrandese nos organisashon.

---

## Propósito

E propósito di Direktiva di M21 ta pa guia e organisashon i sòru pa e diferente partinan di organisashon kana segun palabrashonnan hasi den e órganonan di partido. E Direktiva mester gosa di apresio i respèt tantu interno komo eksterno di e organisashon.

---



# Vishon

E vishon ta un organisashon moderno, inovativo prepará pa siglo 21. Esaki tantu riba tereno di e hende, ekipo i material i e manera di hasi kosnan.

---

# Mishon

Mishon di Direktiva ta pa krea e kondishonnan pa e organisashon por desaroyá komo un organisashon prepará den tur sentido pa siglo 21.

# Ophetivonan

Aparte di tarea ku ta responsabilidad di Direktiva preskribí pa statutonan nos tin aki algun meta pa e Direktiva pa e temporada ku ta bin:

E ophetivonan di Direktiva ta un parti dinámiko ku ta desaroyá i krese segun ophetivonan ku ta wòrdu logra e retonan ku e organisashon ta kontra. Tur aña ta evaluá e progreso i ta reformulá i/o agregá ophetivonan nobo.

E ophetivonan aki ta:

1. Reklutá i mantenshon di miembresia
2. Elevá konosementu polítiko di miembronan
3. Reklutá miembro pa e diferente órganonan di partido
4. Prepará e generashon polítiko di relevo
5. Organisá operashon di kantor i sedenan.
6. Organisá representashon di barionan
7. Revisá i evaluá si tin kambionan nesesario den reglamentu di kas.
8. Krea un komunidad polítiko M21
9. Promové tayer- i diskushon polítiko

# Strategia i táktikanan

Pa hasi e trabou Direktiva tin na su disposishon e Grupo Ehekutivo di e organisashon. E Direktiva ta delegá e tareanan pa logra e ophetivonan mensioná na e Grupo Ehekutivo aki. E Grupo Ehekutivo ta konsistí di lidernan di diferente aria di trabou ku tin nan komishon ku ta yuda nan ku e trabou. E Grupo Ehekutivo aki ta enkargá ku e strategia i táktikanan pa realisá e trabou. Nan ta disidí kon nan ta realisá e metanan. Nan ta duna kuenta i rason na Direktiva. Asina nos por identifiká e.o. e siguiente komishonnan:

1. Komishon di Miembresia – ku ta sòru pa reklutá i mantenshon di miembresia pa M21.
2. Komishon di Komunikashon – ku ta sòru pa e komunikashon eksterno i interno, merkadeo i relashon públiko di M21.
3. Komishon di Organisashon – ku ta sòru pa diferente aspektonan di e organisashon.
4. Komishon di Evento – ku ta sòru pa diferente eventonan di e organisashon.
5. Komishon di Fondonan - ku ta sòru pa fondonan di e organisashon
6. Komishon di Formashon – ku ta sòru pa forma i krea lidernan di M21.
7. Komishon “Siguiete Generashon” – ku ta spesial pa desaroyá e hóbennan di M21.



[www.movementu21.com](http://www.movementu21.com)